



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-652-5/22**

Datum: **03.04.2023. godine**

«Agencija za vodno područje rijeke Save» Sarajevo rješavajući po zahtjevu Društva za snabdijevanje ekološki čistom vodom i drugim dobrima «ROSSA» d.o.o. Tešanj za donošenje rješenja o vodnoj dozvoli za zahvatanje vode sa izvorišta «ROSSA» Ljetinić kapaciteta 16,3 l/sec a za potrebe snabdijevanja pitkom vodom potrošača više naselja na području općine Tešanj, na osnovu člana 139. stav (1) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Društvu za snabdijevanje ekološki čistom vodom i drugim dobrima «ROSSA» d.o.o. Tešanj za zahvatanje vode sa izvorišta «ROSSA» Ljetinić kapaciteta 16,3 l/sec a za potrebe snabdijevanja pitkom vodom potrošača u naseljima Ljetinić, Novo Selo, Rosulje, Žabljak i Medakovo na području općine Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se predmetni vodni objekti održavaju u funkcionalnom stanju u skladu sa njihovom prirodom i namjenom te u skladu sa uslovima iz ove vodne dozvole.
 - 2.2. Da se korisnik vodnih objekata brine o čuvanju objekata i uređaja na njima od slučajnog ili namjernog oštećenja ili uništenja.
 - 2.3. Da korisnik predmetnih vodnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno obezbijediti odgovarajućim tankvanama moguće isticanje hlora i drugih komponenti iz objekata i iz posuda. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
 - 2.7. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o higijenskoj ispravnosti vode za piće.
 - 2.8. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.9. Da se redovno sprovode zaštitne mjere za izvorište prema «Odluci o zaštitnim zonama i zaštitnim mjerama izvorišta vode za piće «Rossa» Ljetinić, općina Tešanj» donesenoj od strane Općinskog vijeća Tešanj na sjednici održanoj dana 28.04.2015. godine, broj: 01-02-1-866-1/15 («Službene novine Općine Tešanj», broj 04/15).

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne takse.
7. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Društvo za snabdijevanje ekološki čistom vodom i drugim dobrima «ROSSA» d.o.o. Tešanj obratilo se ovoj Agenciji dana 09.12.2022. godine sa zahtjevom za izdavanje vodne dozvole za zahvatanje vode sa izvorišta «ROSSA» Ljetinić kapaciteta 16,3 l/sec a za potrebe snabdijevanja pitkom vodom potrošača u naseljima Ljetinić, Novo Selo, Rosulje, Žabljak i Medakovo na području općine Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-12-000589 izdatog dana 23.05.2012. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 02.06.2008. godine od strane Porezne uprave Federacije BiH-Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-4493-2/08 izdatog dana 09.07.2008. godine od strane Uprave za indirektno-neizravno oporezivanje Banja Luka,
- Kopija Rješenja o građevinskoj dozvoli broj: 04-361-255/89 izdatog dana 11.04.1989. godine od strane Opštinskog sekretarijata za urbanizam i geodetske poslove Opština Tešanj,
- Kopija Rješenja o vodnoj dozvoli broj: UP-I/25-3-40-342-4/15 izdatog dana 20.07.2015. godine od strane «Agencije za vodno područje rijeke Save» Sarajevo,
- Glavni projekat vodovodnog sistema Ljetinić broj: 176/88 od 16.09.1988. godine urađen od strane RO «PROSTOR» Derventa (na uvid),
- Kopija izvještaja o ispitivanju vode za piće sa lokalnog vodovoda ROSSA Ljetinić urađenog u februaru 2023. godine od strane Instituta za zdravlje i sigurnost hrane Zenica,
- Kopija Odluke o zaštitnim zonama i zaštitnim mjerama izvorišta vode za piće «Rossa» Ljetinić, općina Tešanj («Službene novine Općine Tešanj», broj 04/15),
- Elaborat sanitarne zaštite i zaštitnih mjera za izvorište vode za javno vodosnabdijevanje stanovništva na području MZ Ljetinić na lokalitetu izdani u aluvijonu Usore (izvorište «Rossa» urađen od strane IBIS d.o.o. Zavidovići (broj: 01-IB-E/15, januar 2015. godine), na uvid,
- Glavni projekat unapređenja rada izvorišta Ljetinić urađen od strane IBIS d.o.o. Zavidovići (broj: 01-IB-GE/12, maj 2012. godine), na uvid,

- Pravilnik o načinu održavanja, korištenja, upravljanja i zaštiti voda – sistema naseljenih mjesta: Ljetinić, Novo Selo, Rosulje, Žabljak i Medakovo, april 2009. godine,
- Kopija uplatnica upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-652-4/22 od 30.03.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Prema evidenciji Društva za snabdijevanje ekološki čistom vodom i drugim dobrima «ROSSA» d.o.o. Tešanj na predmetni vodovodni sistema izvedeno je ukupno 1280 priključaka domaćinstava i privrednih subjekta naselja Ljetinić, Novo Selo, Rosulje, Žabljak i Medakovo na području općine Tešanj.

Predmetno izvorište «Rossa» locirano je u naselju Ljetinić između magistralnog puta Doboj - Teslić i rijeke Usore (desna obala rijeke Usore). Čine ga tri bunara ukupne izdašnosti 16,3 l/s (bunar B1 kapaciteta 4,0l/sec; bunar B2 kapaciteta 5,8l/sec; bunar B3 kapaciteta 6,5,0l/sec), sabirni rezervoar kapaciteta 30m³ i objekat pumpne stanice (uz bunar B1). Objekti su locirani na zemljištu označenom kao k.č. broj: 323/1 i 230/2 K.O. Ljetinić i k.č. broj: 88/2 K.O. Rosulje, općina Tešanj.

Voda se iz bunara crpi u sabirni rezervoar kapaciteta 30m³ a zatim potisnim cjevovodom ϕ 140mm transportuje u rezervoar R1 (Alibabići) kapaciteta 200m³ gdje se vrši hlorisanje tečnim hlorom. Voda se dalje pumpnim sistemom transportuje cjevovodom ϕ 160mm u rezervoar R2 (Markovića brdo) kapaciteta 200m³ gdje je instaliran mjerač protoka a potom gravitacijski transportuje do korisnika.

Poduzimaju se sve potrebne mjere za zaštitu izvorišta i mjere za kontrolu kvaliteta vode koja se isporučuje potrošačima. Redovno se vrši kontrola kvaliteta zahvaćene i isporučene vode od strane ovlaštene laboratorije.

Prva zaštitna zona izvorišta «Rossa» Ljetinić u kojoj su locirani kaptažni objekti-bunari, sabirni rezervoar i pumpna stanica je propisno ograđena i zaštićena od neovlaštenog pristupa a sve u skladu sa odredbama važeće Odluke o zaštitnim zonama i zaštitnim mjerama izvorišta vode za piće «Rossa» Ljetinić, općina Tešanj donesene od strane Općinskog vijeća Tešanj na sjednici održanoj dana 28.04.2015. godine («Službene novine Općine Tešanj», broj 04/15).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-652-3/22 od 03.03.2023. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Društvo za snabdijevanje ekološki čistom vodom i drugim dobrima «ROSSA» d.o.o. Tešanj, ovom su vodom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku, uslovima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, Društvo za snabdijevanje ekološki čistom vodom i drugim dobrima «ROSSA» d.o.o. Tešanj, ispunio minimum uslova za izdavanje vodne dozvole za zahvat potrošača u naseljima Ljetinić, Novo Selo, Rosulje, Žabljak i Medakovo na području općine Tešanj te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «ROSSA» d.o.o. Tešanj
Ljetinić bb, 74260 Tešanj
- AVP, ISV – Vodna knjiga
- Sektor 50,
- o Sektor 40, arhiva
- Oglasna ploča – AVP Sava